



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1000. Usque Ad Annum 1063

Fleury, Claude

August. Vind. [u.a.], 1761

VD18 90117956

§. 15. S. Olaus Rex Norvegiæ.

[urn:nbn:de:hbz:466:1-66323](https://nbn-resolving.org/urn:nbn:de:hbz:466:1-66323)

§. XV.

Sæculum XI.

A. C. 1027.

S. Olaus Rex Norvegiæ.

Canuto Regi perpetuum bellum fuit cum Olao Rege Norvegiæ, Principe de cetero justo, & Religionem Christianam amante, cui præcipua cura fuit Norvegiam ab Hariolis, Magis, Veneficis, quibus scatebat, liberare. Habebat vero apud se Episcopos & Presbyteros ex Anglia advenas, quorum doctrina confirmabatur, & movebatur consiliis. Inter illos Episcopos Scientia & virtutibus effulgebant Sigefridus, *Grimquil*, Rodulfus, & Bernardus, qui ex mandato Regis Evangelium Suecis, Gothis, ceterarumque Insularum ultra Norvegiam positarum Incolis prædicarunt. Ceterum Olaus quoque *Unvan* Archiepiscopo nuncios & dona remisit, rogans, ut Episcopos ad se missos benigne exciperet, & alios in Norvegiam, ad confirmandam ibi Religionem, delegaret.

Eodem tempore Sueciæ sceptrum rotabat alter Olaus, Neophytus, cujus filiam Rex Norvegiæ in matrimonium acceperat. Illi vero non minus ardoris quam genero fuit ad propagandam Religionem Christianam; nam nullum non movit lapidem, ut templum Idolorum, quod Upsaliæ in medio Regni sui stabat, everteret; unde Pagani, veriti ne sum-

c. 41.

P 4

ma

Sæculum XI. ma potestate destinata perficeret, pacta
 A.C. 1027. cum Rege inierunt; *si enim*, inquebant,
Christiana Fides Regi placet, eligat opti-
mam in Suecia Regionem, ubi Ecclesiam
adificet, & suam Religionem stabiliat.
Sed neminem ad deserendum Deorum cul-
tum cogat. Rata habuit Rex, quæ offe-
 rebant Deorum cultores, & fundata Ec-
 clesia atque Sede Episcopali in Gothia,
 qua Occidentem spectat, Dania & Nor-
 vegiæ contermina, nempe *Scaren*, tunc
 temporis amplissima civitate, hodie ve-
 ro obscura, postulavit, ut Turgotus pri-
 mus Episcopus ab *Unvan* Archiepiscopo
 ordinaretur. Turgotus Ministerio Epi-
 scopali strenue incumbens duos Gotho-
 rum populos celeberrimos ad Fidem con-
 vertit. Olaus vero Rex Sueciæ Sacro
 fonte Baptismi ablui iussit uxorem suam
 & duos filios Emundum & Arnundum,
 juniore nomen S. Jacobi in Baptismo im-
 ponens, qui licet juvenis, sapientiæ &
 pietatis laude omnes Majores suos supe-
 rans, exinde Suecis carior omnibus, qui
 ante ipsum extiterant, Regibus fuit.

i. 43. Inter hæc Olaus Rex Norvegiæ Re-
 gno dejicitur, factione Procerum, quo-
 rum uxores, maleficii convictas, capite
 damnaverat, & Canutus Rex seditionis
 calamitates bello quoque cumulans, Rex
 Norvegiæ salutatur, quæ fors ante ipsum
 necdum ulli Regum Dania obtigerat.
 Olaus

Olaus posita in Deum solum spe sua Regnum armis repetiit, non tam imperandi quam Idololatriam extirpandi desiderio ductus, & contractis a Rege Sueciæ, Socero suo, atque Insulanis auxiliis auctus. Itaque valido exercitu cinctus Norvegiam postliminio suæ potestati subjecit. Tunc vero credidit, ideo se in Regnum fuisse restitutum, ut nemini parceret, qui Magiam abjicere nollet, aut Christiana Sacra amplecti detrectaret. Et plurimi quidem ad Fidem Christi conversi sunt; at pauci, qui supererant, Magi, tum Sociorum necem ulturi, tum Canuto Regi rem gratam facturi, occultis insidiis captum, Sanctum Regem interfecerunt. Ita occidit Olaus Rex Norvegiæ, qui Martyrum numero accensetur. Sepultus est Dronheimii * magna * Nidrosiæ. exequiarum pompa, nam illa civitas tunc Regni Caput erat. Multis Sepulchrum ejus claruit miraculis, unde cunctis populis ad Septentrionem degentibus maximæ venerationi fuit. Obiit vero anno millesimo vigesimo octavo, vigesima nona Julii, qua die Ecclesia ejus memoriam colit.

Sub idem tempus quidam Anglus, nomine Wolfredus, in Sueciam profectus, magna fiducia Evangelium prædicavit, & complures Paganos convertit. Quin eorum cœtum ingressus Gentis illius

P 5

Idolo,

Sæculum XI.

A. C. 1027.

S. Olaus Rex
Martyr.Martyr. Ro.
29. Jul.

Adam. c. 44.

Sæculum XI. A.C. 1027 Idolo, quod *Torstan* dicebatur, maledicere, & arrepta securi effigiem, in qua Numen esse credebatur, comminuere ausus est. Illico Barbari audacem innumeris telis perforant, corpusque, postquam diu illuissent, in palustria projiciunt.

- c. 42. Interea *Unvan* Archiepiscopus, usus beneficio pacis, quæ inter Sclavos & Saxones ultra Albim positos vigeat, Hamburgensem Metropolim, anno octingentesimo quadragesimo quinto vastatam restauravit, collecta maxima incolarum & Clericorum multitudine. Sæpe ibi versabatur, & mediam plane anni partem ibi consumens, nunc Canuto Regi, nunc Sclavorum Principibus ad se invisentibus colloquebatur. Tandem postquam rexisset Ecclesiam annis sexdecim, & munus Apostoli inter Infideles egregie obisset, vigesima septima Januarii anno millesimo vigesimo nono viam universæ carnis ingressus est. Successit *Libentius II.* primi hujus nominis Nepos, Cathedralis Ecclesiæ Præpositus, qui favente *Gisela* Imperatrice electus, Baculum pastorem a *Conrado* Imperatore, & Pallium a *Joanne XIX.* Papa accepit. Sed Sedem Hamburgensem & Bremensem ultra annos quatuor non tenuit.